

Nama o le kwa ntle!

E kwadilwe ke Margot Bertelsmann

E tshwantshitswe ke Natalie le Tamsin Hinrichsen

Motlaagana wa ga Luke o kwa motsheong wa tshingwana. O dirilwe ka logong mme o na le matlhabaphefo a a dirilweng ka digalase tsa nnete. Mmê o baya haraka ya gagwe e a e dirisang mo tshingwaneng gona. Lekau la ga Mme e bong Trevor, le baya ditherei tsa gagwe tsa dijalo gona gore fa le batla go jala di bo di le gaufi le tshingwana.

Fela bobedi jono bo hirile lefelo. Motlaagana ke wa ga Luke a le nosi. Diphiri tsothle tsa gagwe di moo. Mo rakeng e nngwe o beile dibolokokago le ditshosa tsa gagwe ka thulaganyo. Mo kgetsaneng e kgolo mo sekhutlong go na le dimmabole. Mo sekhutlong se sengwe go sebaka se go nnang ntšwa e e bidiwang Sali, moo go leng nngwe ya dikobo tsa ga Luke tse dikgologolo.

Luke o dira letshwao: NAMA O LE KWA NTLE! mo lebating. Mongwe le mongwe yo o batlang go tsena mo motlaaganeng o tshwanetse go kopa tetla, ntle fela le Luke mmogo le Sali. Go le gantsi, batho botlhe ba ikobela letshwao le — ntle le Felix.





“Luke, garawe ya mantle a ntšwa e mo teng ga motlaagana,” ga bua Mmaagwe.

“A nka tsena go tla ka yona?”

“Ke tlaa tla ka yona!” ga araba Luke.

“Sengwe le sengwe se o kgonang go se dira nna nka se dira botoka,”

ga bua Felix, fela o ne a sa bue boammaaruri. Luke o olela mantle a ntšwa ka gale mme go sale go le phepa.


Trevor o tlhoka lookwane la motšhine wa bojang. Le ona o o baya mo motlaaganeng wa ga Luke. “Ke tlaa tla ka ona!” ga fetola Luke.

A tla ka kane ya lookwane mme Trevor a mmontsha gore lookwane le tshelwa jang mo motšhineng wa bojang. Trevor a goga mogala, gangwe, gabedi, gararo. Wa duma! Vroom. Trevor a letla Luke a sega karolwana e e rileng ka boena morago ga gore a rwale diteki tsa gagwe.

Felix le ena a batla sebaka sa go sega. “Bona gore ke segile bojang jo bo kana kang,” a ikgogomosa. “Ke dirile botoka go na le wena.”

Sefatlhego sa ga Luke sa nna se hibidu ka ntlha ya tšhakgalo.

Felix o jewa ke bodutu. A tsamaela kwa lebating la motlaagana. “Ke a tsena,” a mo begela. Ga a kokote le go kokota.



Trevor a lebelela Mmaabo. Mmaabo a mo ikgatholosa.

Luke o ne a rapame ka go leta.

Felix a tshwara mokgothi wa lebati. Palakata! O ne a kolobile go tloga kwa tlhogong go fitlha kwa dinaong.

A tsena jalo mme a iphimola mofufutso mme a apara hemepe e nngwe. Morago ga moo a boa.

“Ke tlaa go supetsa!” a goa. A raga lebati. Tla! Luke a bo a mo beetse dimapo gape. Thobanyane e e bolayang dintshi ya mo itaya mo phatleng.

“Utšhi! Ke tlaa go tshwara,” Felix a mo tshepisa.



Felix a loga maano a go ipusolosetsa. O ne a sa ntse a dira sengwe kwa ntle ga lebati.

“Tswela kwa ntle, Luke!”

“Goreng?” Luke a botsa. “A o akanya gore sengwe le sengwe se ke kgonang go se dira o ka se dira botoka?”

“Ka gongwe,” Felix a araba, a khinkhinyega.

Luke a tswa ka letlhabaphefo ka fa letlhakoreng le lengwe le go nnang didiriswa mo go lona. A khukhuna ka fa leobong go dikologa Felix mme a feta a ema mo morago ga gagwe.

“Aha, ga ke akanye fa seo e le boammaaruri,” Luke a bua jalo a le fa morago ga legetla la gagwe, a supa letshwao le le mo lebating. “Ga O kgone go buisa letshwao.”



Nama o le kwa ntle!

E kwadilwe ke Margot Bertelsmann • E tshwantshitswe ke Natalie le Tamsin Hinrichsen

Megopolo e re ka buang ka yona

Luke o na le lefelo la gagwe le le kgethegileng. A o na le lefelo la gago le le kgethegileng kwa gaeno? Fa go sa nna jalo, o ka itirela lone kae?

O akanyang ka tsela e Felix le Luke ba itshwarang ka yone fa yo mongwe a na le yo mongwe? Ke eng se ba neng ba ka se dira ka tsela e sele?



Se se bonwang ka matlho

Terowa setshwantsho sa dilo tse Luke a nang le go di dira fa a tshameka ka ngwana wa kwa ga bone.



Go Bala

Leba setshwantsho sa ntlha sentle. Bala mokwalo o o mo ditsebeng tseno gape o bo o batla dilo tsa ga Trevor le Luke mo setshwantshong seno.




Go Kwala

Itirele letshwao la gago le le reng "Nama o le kwa ntle!".



Botaki

Dirisa lebokoso la terei ya mae gore e nne terei e o tsenyang dipeo mo go yone o bo o jala dipeo dingwe mo go lone. Dira dileibole tsa dipeo tseno ka go terowa ditshwantsho tsa mefuta ya dijalo tsa tsone fa di setse di godile. Kgomaretsa ditshwantsho tseno mo dithupaneng tse dinnye o bo o di baya gaufi le dipeo tsa teng.



Tiragatso

Dira "logaga" lo lo kgethegileng lo o tla tshamekelang mo go lone o bo o balele mo go lone ka go baya dikobo mo ditulong. Tsena ka dibuka le ditshamekisi tsa gago tse o di ratang mo logageng lwa gago. Kafa ntle ga logaga lwa gago baya letshwao la gago la "Nama o le kwa ntle!".

